

度

支

奏

議

度支奏議目錄

福建司三卷

閩省起解錢糧盡被奸委侵沒疏

覆府尹劉宗周地方善後事宜疏

覆良鄉知縣石鳳臺嚴邑殘破疏

覆府丞魏光緒巡歷報竣減派蠲徵疏

覆固安知縣秦士奇招撫殘邑事宜疏

覆兵部主事周慶尹生財有大道疏

覆太康伯張國紀買給護墳地土疏

續報進

官錢糧并請捐免殘邑疏

題報二縣五城原領銀兩并收買煤數疏

覆京營精銳加給夏操鹽菜銀兩疏

再覆京營精銳夏操鹽菜分上下兩班疏

分別買煤各官功罪疏

題祝掌科查勘逆犯田產疏

覆東撫王從義動支荒田銀兩疏

覆良鄉知縣石鳳臺巖邑殘破寬卹疏

題覆順天撫按查議被虜州縣蠲免疏

覆屯田御史查叅真定府佐侵冒屯糧疏

題覆勘撥 德陵香火地土果園疏

題覆叛臣李致和等逆產疏

度支奏議卷之三

太子太保戶部尚書蒲青畢自嚴視草

閩省起解錢糧盡被奸委侵沒疏

題爲閩省起解錢糧盡被奸委侵沒懇乞

聖明嚴加申飭催提解官以速完

內供事福建清吏司案呈案查崇禎二年九月內  
該本司查得福建一省每年額解甲字庫顏料  
本色銀硃一千七百四十七斤紫草四百二十  
斤黑鉛一千一百九十五斤四兩二硃五百二

十四斤五兩三錢三分三釐三毫五絲子五  
三十一斤八兩烏梅四千一百六十二斤丁字  
庫本色桐油五千一百六十斤黃熟銅一千三  
十七斤四兩黃蠟一千一百五十二斤錫一千  
五百九十斤一十二兩生漆一萬一百六十六  
斤一十四兩木牛角三百一十三副除天啓二  
年分完納不開外查得福建撫按節年疏抄題  
報天啓元年差官唐翀起解未到天啓三年分  
冊報差官劉茂根起解未到天啓四年分冊報

差官陳尚贊起解未<sub>了</sub>天啓五年分冊報差官  
朱國臣起解未到天啓六年分冊報差官嚴時  
泰起解未到天啓七年至今崇禎二年止俱  
未報起解又每年額解供用庫蠟茶本色黃蠟  
一萬二千五百五十四斤白蠟一萬六百五十  
斤本色芽茶五千一百斤本色葉茶四千斤除  
天啓三年以前已完不開外天啓四年分上半  
運完納訖其下半運鄭應登起解黃蠟完過四  
千六百五十二斤欠一千六百二十五斤白蠟

完過五千一百七十六斤欠一百四十九斤

茶完過二千五百五十斤葉茶完過一千五百

二十八斤欠四百七十二斤天啓五年分據疏

報上半運差官徐繼祖起解下半運差官周之

臣起解俱未到自天啓六年以後俱未起解節

次咨催至今未到並無回文等因呈部題催奉

聖旨庫內錢糧上供急需節年起解未到該省全不

照管成何法紀着該撫按督行布政司速差的當

人役務查領解各官着落通限年內盡數押解完



納解官治罪不宥年內不到者布政司官并行  
處其未解的各照年分速徵解納不得再稽該衙  
門知道欽此欽遵隨即移咨亟催去後至今尚無  
解到方今

內庫詘乏需用甚急而該省藩司催解愆期相應  
遵

旨查叅等因案呈到部該臣等看得

內庫錢糧係

上供急需廼福建一省顏料蠟茶未報起解者渺無

消耗已報起解者久無着落臣部移催顏禔似  
若罔聞今奉

明旨嚴催猶然如故誰實經管而怠緩至此既經該  
司查呈前來相應題

請恭候

命下臣部移咨該省撫按速查節年承管司府官員  
的係某人一面開具職名限兩月內回奏以憑  
查叅住俸督催一面速將前項顏料蠟茶自天  
啓元年以後已報起解者再差的當人役勒限

押解完納其未起解者各照年分速徵解納庶  
內供錢糧不徒托之空言矣

崇禎三年二月初一日具

題本月初四日奉

聖旨閩省上供錢糧歷年未到有旨查覈竟不奏報  
奸生違玩該布政司官姑住俸督催勒限完解其  
未解的速徵解納務濟急需再有違悞撫按一同  
論罪該衙門知道欽此

覆府尹劉宗周地方善後事宜疏

題爲敬陳地方善後事宜以祈

聖鑒事福建清吏司案呈崇禎三年二月二十日奉  
本部送戶科抄出順天府府尹劉宗周題前事  
等因奉

聖旨這所奏地方善後事宜均屬切要着各與議覆  
飭紀明法安輯人心更今日急務并嚴加申飭該  
衙門知道欽此欽遵抄出到部送司查得疏內條  
議各款除慎選有司縣官久任保吏部職掌清

除道路量還驛通選練民兵保其部職寧聚  
部自行議覆外其通行保甲事屬地方飭紀明  
法安輯人心既奉

明旨嚴加申飭相應一併移文各衙門知會惟招撫  
流亡一款相應酌議具題案呈到部該臣等看  
得邇來逆酋肆毒

戢輔之民生業俱廢荷蒙我

皇上特發矜恤之詔臣等捧誦亦無不欲仰體

聖心大暢

皇仁也府臣劉宗周條議各款皆救時切要內招撫  
流亡一款言流至者待以粥飯復籍者給以牛  
犁種子乘春力作此良法也又云錢糧無措請  
捐

內帑但帑無餘積非臣等所敢輕議查得該府前  
曾題發部銀賑救奉有戶部正在告訕安有餘  
銀該府設處庫銀之

旨已移文奉行矣近據府丞魏光緒疏報固安縣窖  
內掩藏已徵未解銀二千四百餘兩派發遵化

固安通州等州縣不知此外府庫有無設處今  
無並此窖銀共作牛犁之資若種子則需于穀  
者也煮粥之說在冬月爲便今春和力耕之時  
人各生理誰能坐而待哺合無將府屬各州縣  
所積倉穀酌量動用以濟流至之民俾人自爲  
食且以作種子而力耕焉則最便也又稱蠲租  
三年以優恤之此又招撫之良法但民食軍需  
二者並重前

皇太子

恩詔內順永殘破地方各准蠲免見年錢糧一年至  
崇禎四年仍舊徵收此如

天之仁也今若豫擬弗免則殘黎可念若豫擬三年  
則談何容易合無仍遵

恩詔將殘破地方蠲免一年俟年終撫按道府確查  
如果殘破各州縣地方民盡復業生理如故則  
三年之議可已也若查有戶口未盡復田野未  
盡耕者止照其家畝酌議量蠲而已復已農者



不得一槩混免庶民情

國用兩得之矣既經該司具呈前來相應題

請恭候

命下臣部移咨都察院轉行順天巡按御史及咨順  
天巡撫并劄順天府一併遵奉施行

崇禎三年二月二十五日具

題本月二十八日奉

聖旨依議行欽此

覆良鄉知縣石鳳臺巖邑殘破疏

題爲巖邑殘破堪憐微臣冒疾赴任亟

請增兵設備薄賦輕徭以固疆土以安黎庶事福建  
清吏司案呈崇禎三年三月初五日奉本部送  
戶科抄出順天府良鄉縣知縣石鳳臺奏前事  
內稱初被總兵張鴻功借言勤

王奪門自據搶掠淫汚居民逃竄亂軍四出邀劫十  
室九空繼遭醜虜踏梯入城屠戮軍民幾四千  
餘人官舍民居盡行焚燬繼又遭西山煤賊乘

機肆害掘地及泉百姓之蓄萬無一存流移  
姓歸而復逃臣抵任之後衙舍灰燼廝役逃亡  
整頓招徠酌計增兵減稅俵馬驛遞四款內言  
減祝者以良鄉地不滿三千頃強半沙壓瘠薄  
每畝起科六分二釐反倍于別州縣甘苦不均  
且言今歲錢糧免矣仍當再復一歲以後比例  
別邑分數減派以蘇百姓并禁叅謁迎送等因  
本年三月初二日奉

聖旨良鄉風苦衝瘠更罹兵苗非極力拊循曷甦

悴這奏四款着卽與議覆有司官叅謁迎送最悞  
公事着一槩通行禁革該部知道欽此欽遵抄出  
到部送司查得增兵免散俵馬變通驛遞三款  
應聽兵部議覆外其叅謁迎送旣奉

明旨一槩通行禁革合應移文遵行惟免租減稅二  
款相應具覆案呈到部該臣等卷查待順天府  
先有敬陳地方善後事宜一疏內

請蠲租三年臣等具覆遵照

恩詔先免一年餘俟年終查議再行酌免奉

首依議行此緊指殘破州縣而言也今良鄉知縣鳳臺一疏言地方一戕于亂兵再屠于奴虜更劫于煤賊城池村落燒燬一空其按籍徵租之人非冤慘于鋒刃則驚散于四方地土荒涼邑里爲墟卽欲徵租誰可問者似宜急

允所請再蠲一年非可以前議拘也至于地土瘠薄且爲海內衝繁第一而租比隣境偏重則減派自公議也抑臣竊有請焉順永州縣皆

陛下赤子也前奉

恩詔內有該撫按卽查順永各屬地方曾經攻掠逃  
散招歸耕作者各准蠲免見年錢糧一年崇禎  
四年起仍舊徵收該撫按確勘

奏報毋得濶免之款今合無備行該撫按確查順  
永所屬某州縣未經虜患不在蠲免之例某州  
縣虜患稍輕應遵前議于免一年外年終再議  
某州縣虜患最甚應照良鄉一體蠲恤二年至  
于良鄉所乞減租或應照隣境某州縣應減幾  
分仍以幾分起科其減免錢糧如驛遞城守民

壯師生俸廩工食之類有必不可少者以何項  
抵補各確議具

奏臣部覆行庶免零星參差之議均霑

聖明浩蕩之恩也既經該縣具

奏前來相應覆

請恭候

命下臣部移咨都察院轉行巡按御史并咨薊遼總  
督順天巡撫及劄順天府各遵奉施行

崇禎三年三月初七日具

題本月初十日奉

聖旨依議其餘被虜地方酌量輕重分別蠲免着各該衙門速議具奏欽此



覆府丞魏光緒巡歷報竣減派蠲徵疏

題爲巡歷報竣恭復

上命事福建清吏司案呈崇禎三年三月初七日奉  
本部送戶科抄出順天府府丞魏光緒奏前事  
等因本年三月初五日奉

聖旨畿民罹厄深軫朕懷奏內事款著該部卽與議  
覆其給銀未通州縣還著該府措發前諭撫按有  
司賑勸耕種奉行若何著巡按御史作速回奏該  
部知道欽此欽遵抄出到部送司遵將給銀未遍

州縣還着該府措發前諭撫按有司賑勸耕種  
奉行若何着巡按御史作速回奏之

旨卽移咨都察院轉行巡按御史及咨順天巡撫並  
劄順天府遵行去訖其孝子節婦俟冊報到日  
並良鄉縣驛遞疲累并俵馬及全城文武各官  
聽各該部議覆至于粒銀兩事關

內供未敢擅議外所有疏內條列各款相應具覆  
案呈到部該臣等看得順天府屬地方被巡兵  
連虜山賊相繼爲虐而民間始不堪命矣據府

永魏光緒所云經過固安良鄉薊州等處室廬  
焚燬夫哭妻而父哭子至士子不能具衣冠此  
何等情景卽招復生聚之不暇况堪煩役煩令  
之紛擾者哉通緣軍興孔棘供億殷煩不能不  
於近畿州縣是賴如所稱通薊三河灤縣等處  
或運本色糧料或運折色餉銀或運軍前器械  
輸輓絡繹胼胝不休皆實錄也大宛二縣有運  
糧之車輛有召買之料豆有備急之煤炭紛紜  
取給供億多端亦真情也通涿房山州縣城雖

未破地已蹂躪近派京豆遼豆爲數頗多小  
苦之惟是陸運凍糧入京入薊俱有一定腳價  
遼豆召買原用京邊雜項京豆召買有卽給現  
價者有銷筭補給者臣部每每隨事體悉不欲  
盡民間之財力如通涿原題有陸運漕米大車  
後竟未至大宛二縣視原題派車輛僅得四分  
之一臣部亦未深督之誠憐其戎馬殘破之苦  
耳通州原派薊豆五千石近止用臣部新餉銀  
買豆千石其餘無之似亦必不可得之數涿州

原派京豆五千石止認買二千五百石房山原  
派京豆一千八百石止認買九百石各居其半  
其未買者議給現價收買房山原經津撫派遼  
豆四千二百石近據順天府報該縣止認一千  
五百石其餘見今移咨津撫改派別處以示與  
民休息之意良以密邇近郊一切軍興急需不  
能盡罷不舉但須調停杓節其間固未敢暴征  
虐使以困此一方民也至於大宛二縣應付夫  
馬衝途州縣轉運餉銀軍器自有驛遞錢糧於

臣部無與三河貢夷每歲費數千金想相  
弊在地方官善爲調停而已矣香河縣蕭家林  
一帶虜馬焚掠最慘而竊取不無今剝船之擄  
造燬米之賠償固自有任其責原非槩取閭閻  
之百姓而誅求之也府臣魏光緒奉

命巡行遍歷原野得於目擊周諏之餘不勝痼瘼切  
身之慮諸所披陳總關民瘼是惟申飭有司務  
於佚道役使之中大爲軫卹愛養之意官價已  
發者務使人需實惠而毋令積役得乾沒於其

中公事已集者務使人得安堵而毋令衙役役需索於其外加意禁戢設法釐剔則所賴以蘇瘡痍而返流徙者也至於請祭賑金前府臣劉宗周曾言之今光緒又復備言之流離殞尾之狀旣情景堪憐亦根本宜培第當三空四盡之時不免捉襟露肘之虞

聖旨業責該府指撥所當委曲奏辦酌量捐濟未遍州縣以昭

皇仁之浩蕩者也又疏內再乞蠲租一年臣等已於

良鄉知縣石鳳臺議蠲疏內題

請分別順永各屬有無奴患及被患輕重以爲應蠲  
不應蠲及一蠲再蠲之議矣至良鄉地糧獨重  
臣亦因石鳳臺之疏請行撫按查照隣境某州  
縣應減幾分例回

奏已經具覆得

旨見在咨行無容再議者也既經府臣魏光緒具奏  
前來相應覆

請恭候



命下臣部移咨都察院轉行巡按御史及咨順天巡撫并劄順天府一體遵奉施行

崇禎三年三月十五日具

題本月十九日奉

聖旨覽奏被災州縣減派蠲徵庶免重困還着勞來勸耕設法賑濟以稱朕憫恤畿民之意欽此

覆固安知縣秦士奇招撫殘邑事宜疏

題爲蒙調殘邑仰體

德意恭繪形圖以慰

聖懷以祈保守事福建清吏司案呈崇禎三年三月十八日奉本部送戶科抄出順天府固安縣知縣秦士奇奏前事等因本年三月十五日奉

聖旨固安罹患甚苦撫字軫恤全在有司加意設法秦士奇這奏著該部逐款酌覆所進圖知道了該部知道欽此欽遵抄出到部送司查得協濟驛站

寄養馬匹應聽兵部議覆外餘應照款題覆  
呈到部該臣等看得固安風號嚴邑先被惡棍  
之劫搶後被奴賊之屠戮子女掠而室屋焚幾  
成無人之境矣新任知縣秦士奇匹馬招安頓  
令復業之民十室而五加以府丞魏光緒卹  
命而賑銀三百兩縣官發倉而給穀四百石此亦兩  
露之滋濡矣再奉

恩詔蠲租一年此又闡澤自

天鴻恩匝地固斯民生聚復業之大本大源也該縣

再稱增城濬池不請錢糧丁壯習武不請官兵  
具見本官之作用矣至於焚劫按律置辟脅從  
量懲開網逃亡失歸者仍使族人爲招復盜物  
無知者許其改過以自新諸所披陳皆撫循瘡  
痍之上策惟內云如有不歸查其地產申報估  
給令無業者承種一片苦心無非欲速其來耳  
但恐遙聞不知反謂業屬他人遂不免夢斷鄉  
井也今第可令族黨戚室姑且代種俟本人至  
而還其業則大善耳該縣真心撫民臣所擊節

故再爲酌議以成其美如此旣經該縣具

奏前來相應覆

請恭候

命下臣部移咨都察院轉行巡按御史并咨順天巡撫及劄順天府各遵奉施行

崇禎三年三月二十一日具

題本月二十四日奉

聖旨這固安招撫事宜覆議旣晰着秦士奇用心整理該部便行與各衙門知道欽此

覆兵部主事周夢尹生財有大道疏

題爲生財原有大道統無任議天下原大一統強  
分南北敬矢芻蕘一得以復

祖宗之舊制以振積情之錮習以均天下之苦樂以  
鞏萬世之治安事福建山東清吏司案呈崇禎  
三年三月十四日奉本部送戶科抄出兵部職  
方清吏司主事周夢尹奏前事等因本年三月  
十三日奉

聖旨屯鹽河漕及西北水田係國家大計乃屢經條

議何以卒無舉行這奏便着該部科諮求心計者  
究確覈具奏欽此欽遵抄出到部送司案呈到部  
該臣等會同戶科都給事中等官玄默等看得  
國朝定鼎燕都臨御萬方一切軍馬邊備盡在西  
北故設屯鹽以養邊戍又歲輸江南漕糧以供  
京軍然北地如山東河南未嘗無漕糧山西陝  
西未嘗無邊糧而折色歲供尤屬不貲蓋

祖宗酌天下統一之大勢定爲經制原非有偏勞偏  
逸其間尤非如昔時漢唐五代之各食一方者

比昔唐人轉東吳稷稻以給幽燕而實關中載  
諸史籍班班可考然則漕運之粟殆非昉於

國朝惟

國朝爲最多耳是胡可輕議也至於西北水利如  
易水滹漳滹沱等河若可灌田儘能爲利但水  
低田高不能逆流而上卽有桔槔致之不過零  
星數畝如涿州房山涑水雄縣任丘天津薊州  
玉田豐潤平谷及昌平順義等處間有渚水之  
地可引河流以爲灌溉頗多藝稻之家祇以北



地小民生長高壤止習旱作不慣水田終不能  
如江南之人足以盡地之利而收厚獲天下一  
家莫非王土允宜行各府州縣不分土民南民  
但有渚水之處能盡力開墾以成水田者給爲  
世業三年而後起科則萑葦蓰莽之區盡化爲  
膏腴樹藝之場矣其屯鹽二事臣部於崇禎元  
年十月內採集臺省諸臣之議在屯田則條爲  
四款大都剖析新屯舊屯之情形激發兵屯商  
屯之効力以

祖制邊腹衛所之田爲舊屯故議查覈以清隱占而  
豪貴強梁之家無容其侵蝕以省直拋荒之地  
爲新屯故議開墾以盡地利而東西南北之人  
並聽其耕種議兵屯於管伍之間而俾執爰荷  
戈者無事則力農有事則出戰師古寓兵於農  
之意復商屯於塞垣之上而俾牟利中引者自  
具牛種自理阡陌倣古粟生金死之法此屯田  
之便槩也在鹽法則條爲八款大都備述正鹽  
餘鹽之來歷區畫邊商內商之利病如議禁奸

課候稱掣禁私販重考放選運官皆所以恤  
商而使得權子母以輪納

公家也如議革兌支給庫價定交易皆所以恤邊  
商而使得負耒耜以競趨塞下也此鹽法之梗  
槩也但屯與鹽分之似判爲二合之實聯爲一  
若果互相關交易毫無阻滯凡此熙熙穰穰之衆  
誰非子來終事之徒自然塞粟充盈而鹽課無  
逋矣其科臣黃承昊所陳屯鹽之疏多與前項  
部議相符隨奉有八款切當明悉已於戶部疏

內採行之

旨遵卽復爲申飭在案嗣是談屯田者有照民田起  
科之議談鹽法者有增鹽增引之議臣部俱經  
覆奉

明旨責成於撫按屯鹽諸臣務期因時變通圖收實  
效以濟

國家之匱乏臣部承乏度支凡可生財以佐軍興  
者誠不遺餘力而講求矣憲章具在頒布方新  
今惟申嚴一切

功令海內翕然皆知

上意所嚮仍與在事諸臣加意奉行盡法查覈令人  
人殫力南畝則野無曠土令處處禁絕私販則  
商無滯鹽庶有治人斯有治法而

國家之大計斷必賴之矣既經具題前來相應覆  
請恭候

命下臣等行文各該衙門遵奉施行

崇禎三年三月二十八日具 題四月二十七日奉

聖旨屯鹽二事已有諭旨了欽此

覆太康伯張國紀買給護墳地土疏

題爲

聖主鴻恩特被微臣烏情愈切仰懇

天恩俯憐寒戚

賜給祭塋以廣

皇仁以光泉壤事福建清吏司案呈奉本部送准禮

部咨該本部題祠祭清吏司案呈奉本部送禮

科抄出中軍都督府帶俸太子太保太康伯張

國紀奏乞伊祖父母父母

卹典條因奉

聖旨該部查例從優具覆欽此欽遵抄出到部送司

查得

大明會典并 卹典條例內一款凡

皇親卹典取自

上裁又案查得 皇親德平伯李錦請卹該本部覆

奉

以依准與祭十大壇工部造塋還給與墳地并護墳  
地土盡造享堂如例欽遵在案等因到部題覆

奉

聖旨是准照例與祭十六壇加祭二壇遣本布政司  
堂上官行禮墳價地土等事俱照例買給以昭朕  
篤親至意該部知道欽此欽遵咨煩查照等因到  
部送司內除造墳一節係工部職掌應聽另行  
題覆外所有護墳地土例應本部題給案查隆  
慶六年巳故德平伯李銘男李鶴奏父病故比  
照固安伯陳景行夫人張氏事例撥給護墳地  
六十五頃二十六畝八分四釐在案查得近時



各戚護墳地土向係本部題

請行屯田御史于北直八府屯牧備邊等地撥給今  
太康伯所請護墳地土奉有買給之

旨合無咨行河南撫按及照會該布政司于該戚墳  
塋附近地土查有堪動錢糧動支照數買給等  
因案呈到部該臣等看得戚臣買給墳田向無  
此例有之自今日太康伯始蓋緣

懿安皇后誕育中州祖父塋域俱在原籍此

皇上之特恩也臣部敢不恪遵但今日時勢一難於

價值之搜括一難於地畝之尋買蓋軍興以來  
所在空虛且田各有主未必人人願賣恐此田  
未易卒辦也臣面會本爵據稱本塋在開封大  
河之北與封丘縣接壤地價稍廉計每畝不過  
五六錢耳且本府多有逃絕地畝業主已無登  
記在冊堪以撥給臣再四參酌

盛典萬不敢久稽地銀又恐難措置合無照依本爵  
所言先儘本郡附近逃絕之地查明分撥次則  
以屯田御史所報開墾荒田但係開封府屬境

內見在徵糧熟地亦可撥給再不足者該布政司查有堪動錢糧動用買給務足六十五頃二十六畝八分四釐之數於以昭

皇仁而篤懿親至便計也總期與民相安無得因而騷擾想本爵素稱安靜必有所以仰承

德意者矣恭候

命下臣部移文各該衙門遵奉施行

崇禎三年四月十二日具題本月十六日奉

聖旨是欽此

續報進 宮錢糧并請捐免殘邑疏

題爲續報進

宮錢糧懇乞

聖明俯將未完分數

特賜捐免以甦殘邑遺黎事福建清吏司案呈崇禎

三年四月初三日奉本部送戶科抄出順天府

府尹劉宗周題前事內稱臣所屬州縣衛所額

該崇禎二年分子粒銀二萬五千五百七十餘

兩因奴變至今年二月內方完銀一萬四千三

百五十二兩恭

進訖今又續完銀七千四百一十兩零此外尚欠  
數三千九百一十六兩零內豐潤縣未完銀二  
千零一十七兩四錢二分六厘八毫玉田縣未  
完銀一千八百九十九兩二錢三分六厘一毫  
五絲容臣再查累難黎拖欠相應

特賜蠲免等因奉

聖旨這續完進宮銀兩着卽解進其未完的還着查  
明果係災地無徵方准蠲免該衙門知道欽此欽

遵抄出到部送司呈堂隨即劄行順天府備查  
豐玉二縣果否被虜災地無徵一面將續完銀  
兩呈堂於四月十七日具本恭

進訖今奉本部送據順天府呈同前事內稱府屬  
未完進

官錢糧止豐潤玉田二縣今據該縣報稱逆奴尚在  
盤踞該縣地方復肆披猖恣意搶殺縣令城守  
之不暇安覓地戶莊頭而問子粒乎此二縣者  
人民之被搶被殺不下遵化惟僅能保守罄懸

一孤城耳似當亟爲豁免毋容再議等因到部  
奉批具稿速覆奉此案呈到部該臣等看得進  
官錢糧從來未完之例亦未有陳乞蠲免之條  
如順天府豐玉二縣新被虜患

皇上垂憐使查災地無徵准與蠲免此真

欽恤之特恩而浩蕩之鴻慈也今據呈豐玉耕耘之  
地竟爲夷虜出沒之境不惟官無可徵抑且戶  
無可問我

皇上軫恤畿輔方且屢下賑貸之

詔豈復于荼毒之地問徵輸乎事旣明確原無矯飾  
相應據呈題

請恭候

命下臣部劄行該府將豐玉二縣未完進

官子粒銀兩准與蠲免以恤災民

崇禎三年四月二十日具

題本月二十三日奉

聖旨依議欽此



題報二縣五城原領銀兩并收買煤炭數疏

題爲虜氛孔熾謹議收買煤炭以資防守事福建  
清吏司案呈到部該臣案查崇禎二年十一月  
內該臣部題前事臣因虜勢孔急煤無預積百  
萬煙灶孰從舉火議令順天府查有應解臣部  
及搜括在庫錢糧動支三千五百兩分發大宛  
二縣及五城兵馬司買煤固聚急乏之時設法  
平價散賣民間等因奉

聖旨預置煤炭以資防守具見卿等深計依議收買

國聚價銀除太倉外順天府應解該部并搜括  
糧如數措給不得延緩該衙門知道欽此欽遵隨  
咨行都察院及劄順天府分投收買去後崇禎  
三年正月內又該兵科都給事中張鵬雲題爲  
賊氛益熾內備宜周敬陳似迂實切似緩實急  
數事仰乞

聖明勅行事奉

聖旨這條議各款俱於內備有裨事關各衙門的該  
科卽與酌行仍各回奏欽此欽遵抄出到部該部

看得

都城之內億萬軍民俱各賴煤以炊舊歲臣部不  
患無米而患無煤目今狡奴叵測尚宜措備臣  
部再議發銀三千五百兩仍令順天府分發收  
買囤積等因奉

聖旨煤宜預積依議飭行官積有限還着曉諭民間  
各自多備有能慕義捐資廣貯平賣免致騰價者  
准與敘獎該衙門知道欽此欽遵隨即移咨都察  
院并劄順天府領銀分發收買及出示曉諭民

聞各自多備等因去訖本年二月內又准兵部  
咨該本部題稱將太僕寺庫寄貯節省銀一千  
八百六十五兩收買窰煤等因到部隨劄順天  
府領買去後臣部續又發銀一千一百三十五  
兩連前共足一萬兩之數今臣卽欲再爲給發  
而搜括無術臣部之力竭矣此先後所發之銀  
數也今據順天府陸續冊報兩縣五城各用煤  
價不等共買過煤四百五十四萬七千五百五  
十六斤八兩收貯各處寺院此先後所買之煤

數也然臣部所竭蹶者湊發銀兩而已若順天府則分發於兩縣五城俾令收買積聚者也素賴府尹劉宗周器大而運之小心務瑣而出之深慮綜覈有法收買俱完急公憂

國大可想見臣部庶可藉手以竣事矣惟是報完之數必加抽驗始明收貯之人非有責成不効令無

勅下順天府擇委廉勤府佐一員將兩縣五城各報文冊親詣積煤處所隨地抽驗果否收買如數

有無捏少爲多足數者分別獎勤虛報者勒令  
補足仍須苦蓋如法毋令兩潦侵損居民饑竊  
及至放煤之時亦令原委買官監視如有侵盜  
短少仍復責令賠償并加叅治庶責任專而賞  
罰明今日多方奏買之煤斤不至爲有名無實  
之空文矣且臣更有說焉兩縣五城各官之賢  
不肖臣不及知但據買煤一事有領銀時月同  
而奉行最蚤者首則大興縣知縣楊樸次則宛  
平縣知縣蘇希轍也有領銀數目同而多買煤

五萬一千三百三十餘斤者南城兵馬司指揮  
黃映魁副指揮楊文煥張元楮孫鉅高其志吏  
目張國柱也有多買煤四萬九千六百六十餘  
斤者西城兵馬司副指揮孫景融張養和朱其  
莊劉向東吏目姚思恩也有多買煤二萬二千  
九百餘斤者宛平縣典史黃建章也本籌策之  
苦心節縮財用緣收買之溢額用備緩急此數  
臣者容臣部先行獎勵以最廉勤者也謹將二  
縣五城原領銀數并收買煤數及積煤地方開

列奏

聞

計開

大興縣原領銀二千兩買煤九十一萬七千二百八十三斤收貯縣廩及十方院地藏庵等處

宛平縣原領銀二千兩買煤九十四萬一百九十二斤比大興縣多買煤二萬二千九百零九斤收貯該縣廩及崇國寺景命殿等處



中城兵馬司原領銀一千二百兩買煤五十萬  
七千斤收貯龍福法華普恩三寺

東城兵馬司原領銀一千二百兩買煤五十萬  
七千斤收貯延福官火淨菴真武廟觀音庵  
金太監寺寶慶寺等處

南城兵馬司原領銀一千三百兩買煤六十六  
萬四百一十四斤除多領銀一百兩照數另  
買外比中東北三城多買煤五萬一千三百  
三十一斤八兩收貯龍王關王玄帝火神各

廟及保安寺等處

西城兵馬司原領銀一千二百兩買煤五十五萬六千六百六十七斤八兩比中北東三城多買煤四萬九千六百六十七斤八兩收貯朝天宮城隍廟能仁寺觀音寺土地廟等處北城兵馬司原領銀一千一百兩買煤四十五萬九千斤收貯佑聖寺開元寺十方院萬善庵法通寺壽明寺琉璃寺宏德庵延壽庵等處

以上共銀一萬兩買煤四百五十四萬七千五百五十六斤八兩

崇禎三年五月初一日具

題本月初六日奉

聖旨這買貯煤數知道了着內官監官同張慶臻順天府官查驗仍將經買職員分別具奏欽此

覆京營精銳加給夏操鹽菜銀兩疏

題爲請給鹽菜口糧以勵人心以晉

恩澤事福建等清吏司案呈奉本部送蒙

御前發下紅本該總督京營戎政少傅襄城伯等官

李守鋡等題前事內稱

神樞等營挑選精銳二萬四千名軍方成勁旅訓

習正殷俾得弓矢不離鞍馬嫻熟但今日之操

固非昔比時習於戰身屬於官而養家養身之

計惟是

皇上之覆育伏乞

勅下該部查照守梁之軍每日給鹽菜銀二分五厘以慰羣心候秋操之日停止等因崇禎三年五月初六日奉

聖旨這奏選鋒夏操比城守例給與鹽菜著該部酌議具覆欽此欽遵紅本到部送司案呈到部該臣等看得奴虜跳梁戎馬生郊今雖屢報捷音政宜安不忘危京營諸臣欲於夏月操練選鋒誠患預防之計也但溽暑屆期荷戈終日旣礙其

資生之策宜曲爲優卹之圖今議比照守城丁事例日給鹽菜銀二分五厘誠有不容已者矣但查守城軍丁原分上下兩班上給之下班則否今選鋒夏操查副將董用文初議欲加鹽菜口糧銀三分亦云下班停支總督京營減爲二分五厘而無上下班之說豈以暑月訓練勞瘁倍常而深爲慰藉乎臣部雖處匱乏亦不敢別議裁節再爲掣肘惟候京營諸臣臨時酌量裒益但遇印領到日臣部卽爲照數給發可耳

既經題

請前來相應依議覆

請恭候

命下臣部咨行總督京營戎政衙門及劄行太倉銀庫遵奉施行

崇禎三年五月十八日具

題本月十九日奉

聖旨這選鋒夏操鹽菜銀兩既照守城軍例上下兩班亦宜分別該部還與總提協詳酌具奏欽此

再覆京管精銳夏操鹽菜分上下兩班疏  
題爲請給鹽菜口糧以勵人心以普

恩澤事福建等清吏司案呈案查崇禎三年五月初  
六日奉本部送蒙

御前發下紅本該總督京管戎政少傅襄城伯等官  
李守鉅等題前事等因奉

聖旨這奏選鋒夏操比城守例給與鹽菜着該部酌  
議具覆欽此欽遵紅本到部該本部覆議得守城  
軍丁原分上下兩班上班給之下班則否今選



銓夏操查副將董用文欲加鹽菜銀三分亦

下班停支總督京營減爲二分五厘而無上下  
班之說臣部雖處匱乏不敢別議裁節惟候京  
營諸臣臨時酌量裒益等因本月十九日奉

聖旨這銓夏操鹽菜銀兩既照守城軍例上下兩  
班亦宜分別該部還與總提協詳酌具奏欽此欽  
遵抄出到部送司隨咨行戎政衙門詳酌分別  
去後今准回文內稱查得城守之軍每三日一  
換該班者日支鹽菜銀二分五厘口糧停免測

一軍每月實該班半月計十五日共該銀三錢七分五厘今新挑精銳之兵六副將分班統練共二萬四千名因夏月溽暑之期礙資貿易勞苦倍加是以比照守城之例按班支領鹽菜銀二分五厘則以二萬四千之兵仍依上下兩班之分則一月鹽菜實支一萬二千名矣查得春操舊例以端前往操今各役既無停操之期則鹽菜之銀似不可少合無自五月初一日爲始造給至七月終住支總支不過三箇月一月共

加銀九千兩三月通共計銀二萬七千兩候秋  
季常操仍舊停免煩爲速行具奏以便具領等  
因移覆到部送司案呈到部該臣等看得京營  
選鋒暑不停操故議加給鹽菜與城守諸軍等  
此

一視之仁也然分別上下兩班亦如城守之例又畫  
一之規也業遵

明旨會同戎政總提協詳酌移覆前來相應如議具  
請每名日給鹽菜銀二分五厘共選鋒二萬四千名

依上下兩班每日實支一萬二千名每月共支銀九千兩自五月初一日起至七月終止仍候印領到日給發恭候

命下臣部咨行總督京營戎政衙門及劄行太倉銀庫遵奉施行

崇禎三年五月二十五日具

題本月二十八日奉

聖旨是欽此

分別買煤各官功罪疏

題爲遵

旨因奏分別買煤各官功罪以祈

聖裁事福建清吏司案呈奉本部送戶科抄出順天府府尹劉宗周題前事內稱臣會同內官監張書紳惠安伯張慶臻查驗五城兩縣所貯之煤其查驗之法監勲爲政業經造冊奏

聞各官之功罪臣敢不一一分別爲

皇上告通核各官惟副兵馬孫景融張養和秦光昭

三臣所買煤厥品上中又無石質臣可無得而  
議已其餘若副兵馬高其志劉向東楊文煥工  
大魁朱其莊吏目姚思恩張國柱等雖有下煤  
相雜而碎石與散屑不多抑亦其次焉者也又  
次之爲副兵馬汪道恕連登瀛沈士份張胤振  
路遵義倪承恩吏目孫繼宏縣丞宋光墀典史  
黃建章等又次之爲副兵馬孫鉦趙价張元楮  
知縣楊樸吏目徐世泰典史王邦埕等又次之  
爲副兵馬毛呈蔚胡時文孟琦吏目吳時聘等

煤品以漸而趨下煤屑以漸而加多其碎石亦  
畧相等夫同一貯煤而美惡異狀各官之才不  
才於此而見其不才者總情非乾沒亦當一體  
懲處煤中碎石責令賠補等因崇禎三年六月  
初七日奉

聖旨貯煤原儲實用如何該有下色揀雜這屬石不  
堪的查令照數賠補孫景融等高其志等勤玩不  
一着該部分別獎罰具奏欽此又奉本部送戶科  
抄出左軍都督府帶俸太保惠安伯張慶臻題

爲遵

旨查驗煤炸事內稱臣公同內官監張書紳府臣劉  
宗周馬鳴世查驗五城及大宛二縣煤炸每以  
十分爲率煤塊約有四成或四成半煤末約有  
六成或五成半亦塊末相等塊內又有上中下  
三等末中有碎石每煤百斤或二三斤或三四  
斤謹將逐坊逐項據實回

奏等因同日奉

聖旨這奏查驗過煤炸高下成數知道了該衙門知



道欽此又該內官監總理太監張書紳題同前奉

聖旨這查驗煤炸已有旨了該衙門知道欽此欽遵  
抄出到部送司案查本年五月內該本部題爲  
虜氛孔熾等事內據順天府冊報兩縣五城買  
煤數目緣繇到部該本部議令順天府擇委廉  
勤官員親查所買煤數分別獎勸虛報者勒令  
補足等因奉

聖旨這買貯煤數知道了著內官監官同張慶臻順

天府官查驗仍將經買職員分別具奏欽此欽遵  
隨卽遵行各該衙門查驗去後今順天府會同  
內官監惠安伯分別煤炸成色及各官等第題  
議前來除一面遵

旨移文順天府責令五城兩縣各照數賠補外其孫  
景融高其志等各應分別獎罰等因案呈到部  
該臣等看得去冬虜勢孔亟煤無預積百萬煙  
灶無從舉火臣愚再四圖維題奉

明旨先後發銀一萬兩付順天府責令五城兩縣買

煤貯積以期實用城縣各官亦既拮据峻事令  
府臣與監勲會同查勘煤炸成色則分爲上中  
下各官優劣則列爲五等若非依次勸懲何以  
昭賢不肖而勵將來相應分別擬議如副兵馬  
孫景融張養和秦光照收買得法煤質最上定  
爲一等相應特加獎勵以勸廉勤如副兵馬高  
其志劉向東楊文煥丁大魁朱其莊吏目姚思  
恩張國柱等煤體稍有夾雜而其佳者居多定  
爲二等如副兵馬汪道恕連登瀛沈士份張胤

振路遵義倪承恩吏目孫繼宏縣丞宋光堦典史黃建章等目力或有不及煤品亦自平常定爲三等如副兵馬孫鈺趙价張元据知縣楊樸吏目徐世恭典史王邦埕等敢屑旣多碎石不少定爲四等如副兵馬毛呈蔚胡時文孟琦吏目吳時聘混淆質石怠玩公務定爲五等其二等三等者姑從免議四等者罰俸三月五等者罰俸半年用示剴懲所有煤斤低假石塊俱各勒令如數賠補照舊看守以聽支放如再買補

遲違不堪重加叅處庶賢否維昭而勸懲胥當  
矣伏乞

聖明裁定恭候

命下臣部行各該衙門一體遵奉施行

崇禎三年六月十四日具

題本月十八日奉

聖旨依議欽此

覆祝掌科查勘逆犯田產疏

題爲

聖武揚威普天同慶乘恢復之後亟修未雨之謀以  
固

金甌事福建清吏司案呈案查崇禎三年五月二十  
一日奉

御前發下紅本該吏科給事中祝世美題前事等因  
奉

聖旨這條奏關切時務叛逆田產地方官作何稽查

該部并與覆行前疏仍候簡發欽此欽遵到部  
本部覆議行總督撫按衙門清查各處逃亡地  
土及叛賊白養粹崔及第賈惟鏞馬思恭李致  
和等房屋田產分別段落限半月內據實奏  
聞仍造清冊報部等因五月二十六日奉

聖旨依議逆產盡查入官係逃故的另行區處還須  
清稽有法毋漏毋擾募種荒蕪興屯課租等事都  
着該督撫按熟計行仍勒限核冊具奏欽此欽遵  
隨即咨行薊遼總督順天巡撫并咨都察院轉

行順天巡按及劄薊州永平二道限半月內奏聞等因去後至七月二十一日奉

上傳查奉

旨立限事件該本部復咨催限于八月初旬回奏仍將前項事件詳註限期據實呈

覽八月初一日奉

聖旨國計殷繁軍興旁午該部屢稱匱乏正宜按日課功限期竟不遵旨奏聞恪勤之誼何在經管司屬姑各罰俸三個月以後堂上官都着嚴督奉行



奏案在欽此隨即遵旨前限復咨催一次

逾期仍未

奏報目今

明旨森嚴誰敢延緩相應再行題催案呈到部該臣等看得去冬奴虜犯順諸叛助逆賴我

皇上天威遐邇迅掃奴氛逆犯就誅遺下房屋田土法應籍沒入官故臣謹行清查初限甚嚴復限亦近咨催屢次而該督撫按終不能依限詳查的確奏

聞則勒限之謂何況各逆田土原欲籍爲軍興屯種  
之需今日久而無成議秋成已屆子粒將歸於  
何人二麥堪播新畝難聽其荒蕪奈之何其玩  
日愒月而不具報也既經該司查呈前來相應  
改限嚴催恭候

命下臣部仍咨薊遼總督及順天撫按作速清查勒  
限九月中旬房屋田土細數造冊並查有無收  
獲子粒具奏如再逾期不報容臣部另行題參  
以信

功令

崇禎三年八月十九日具

題本月二十三日奉

聖旨這叛犯田產着該督撫按臣作速查覈依限回  
奏併嚴飭經承官役須恪遵前旨清稽有法勿漏  
勿擾該衙門知道欽此

覆東撫王從義動支荒田銀兩疏

題爲恭報庫貯荒田銀兩以佐急需事福建清吏司案呈崇禎三年六月二十三日奉本部送戶科抄出巡按直隸等處監察御史李玄題前事等因崇禎三年六月二十二日奉

聖旨錢糧動支豈無卷宗名項但須核其兵應添餉應給與否即如倭警既息兵可備遼遼患未迫兵可定變乃逐節借題已屬孟浪中間豈無虛兵冒餉且此銀既報實收在官與拖逋何與恩詔但敕

窮民豈赦墨吏小民膏血朝廷金錢何得以  
開銷了事這王從義那移擅動事情着該部院從  
公勘擬具奏欽此又該山東巡按御史高捷題同  
前事崇禎三年七月十六日奉

聖旨已有旨了王從義着該部院速行勘擬具奏欽  
此欽遵通抄到部送司隨即呈堂備咨吏部都  
察院速行勘擬去後今奉本部送准吏部咨稱  
錢糧動支情節冊籍俱在貴部應聽貴部會同  
都察院擬覆上

請定奪等因到部送司案查先該直隸屯田御史李  
玄題爲巡方周咨頗悉

朝天聞見宜述懇乞

聖明採察施行以裨屯政事崇禎二年十月初一日  
奉

聖旨屯政修舉全賴有司這奏內各官即與分別懲  
勸荒田租稅分用本未着東省撫臣詳查確奏該  
部知道欽此當即咨行山東巡撫查奏去後隨該

山東巡撫王從義題爲遵

旨回奏荒田錢糧兼陳分勞始末併立考成以累實  
着事等因崇禎二年十一月初五日奉

聖旨戶部知道欽此續該屯田御史李玄題爲恭報  
庫貯荒田銀兩以佐急需事崇禎三年二月二  
十七日奉

聖旨據奏山東荒田租銀王從義作何支銷着明白  
奏來該布政司冊報既明即着李玄同巡按御史  
將歷年銀數詳覈通查一一具奏其現在銀兩作  
速起解并未完的續行嚴催以後此項銀各州縣

保甲屯差乃成解部充餉依議飭行該部知道欽  
此隨咨山東巡撫王從義并咨都察院轉行直  
隸屯田山東巡按各御史查奏去後續該山東  
巡撫王從義題爲遵

旨回奏事崇禎三年三月二十三日奉

聖旨據奏荒田銀兩收支俱屬藩司乃充餉既無定  
額餘銀作何開銷還着屯按御史行司確查具奏  
該部知道欽此隨即咨行都察院備行直隸屯田  
山東巡按各御史查奏去後今據直隸屯田御



史李玄山東巡按御史高捷會查題稱該臣備  
將歷年卷案票帖逐一查對除額兵民屯二項  
不關臣衙門職掌者不敢條奏外查得天啓三  
年分荒田該額銀八千二百六十四兩九錢零  
該司已報收三千四百五十八兩三錢三分七  
釐併三年以前收貯未動銀三千兩俱支發鋒  
營官兵爲天啓四年正月分餉銀訖天啓四年  
分額該銀八千四百八十七兩三錢零該司已  
報收三千四百七十一兩二分三釐隨即動支

二千一百八兩三錢三分三釐湊支萊州鋒旗  
等營官兵爲本年夏季九月十月餉銀訖天啓  
五年分該額銀八千八百八兩九錢零該司已  
報收三千二百九十三兩四錢七分五釐隨即  
動支四千六百五十五兩五錢三分八釐湊發  
鋒旗萊州臨清等營官兵爲本年春夏冬季餉  
銀訖天啓六年分該額銀九千一百一十九兩  
零該司已報收四千八百六十五兩六錢八分  
隨即動支四千八百六十三兩四錢九分三釐

奏發臨清等營官兵本年夏等季餉銀訖天啓  
七年分該餉銀九千四百四十八兩八錢零該  
司已報收四千四百三十兩一錢七釐隨即動  
支四千四百三十三兩二錢五分一釐奏發鋒  
旗等營本年二三等月餉銀訖崇禎元年分該  
額銀九千五百八十四兩二錢零該司已報收  
三千八百三十七兩五錢二分七釐隨即動支  
三千八百三十七兩一錢一分三釐奏發臨清  
等營官兵爲本年夏秋冬等季月餉訖至於崇

禎二年未報額數而開稱自本年起至三年三  
月終止共收過一萬一千九十六兩四錢九分  
七釐隨即動支銀八千八百七兩二分八釐奏  
發臨清等營官兵爲本年夏季兵餉并各援兵  
安家行糧用訖此歷年之額數收數支數也各  
有卷宗名項見存等因并准吏部咨覆前來相  
應會同都察院勘擬題覆案呈到部該臣等會  
看得據屯臣李玄初疏謂東省荒銀撫臣留半  
問其故曰備倭耳倭警息當還歸故物以濟邊

此公言也及撫臣王從義回

奏荒銀劈分之始不可考惟是萬曆三十九年奉  
欽依平分之議爲可據以備倭也今倭雖息而兵難  
撤又繼而奴警繼而妖變皆藉此以爲餉該省  
藩司之開冊固確有着落也又據屯臣再疏謂  
有額軍卽有額餉原不借資于額外之荒銀將  
元二年荒銀見在者立解太倉未完者照數催  
解且前此平分者從此可歸併於濟邊也又撫  
臣再疏內稱完欠支領各各分明至于司庫見

貯銀兩及未完在民間者此金催解部期濟司  
農之急也今又據屯按二臣查覆疏稱據布政  
司回查歷年額數收數支數各有卷宗各項見  
存而終謂撫臣王從義不加體察借備倭之名  
輒爾出入在手之可議也此撫屯按前後所陳  
之情節也臣等因是而得撫臣王從義之斷案  
焉撫臣劈分荒銀之半以爲本省公用奉有

欽依其來已久非自從義始也始而備倭既而備奴  
終而備妖年來東省多事營制日增用餉亦日

廣此似非譌語也荒田銀兩貯於藩司庫內每  
遇給餉撫臣行文動支各有卷案冊籍可查從  
義並未嘗取爲充囊之資及爲交際公費之用  
也然則從義豈遂無罪乎荒田之開墾強半皆  
屯田御史之鼓舞而撫臣坐而割其半是旁逸  
之分未均也遠年姑無論即自天啓三年以至  
崇禎三年每歲該荒田銀八九千兩而完納者  
曾不及半總緣督催不力而後積逋遂成是稽  
查之法未密也東省之爲兵餉用者有舊派有

新餉有民屯若肯清查虛冒亦自足用即無荒  
田之銀亦不稱乏而必借以爲不時之需是急  
公之誼未著也矧也先是原係備倭嗣後改爲  
備奴備妖原未題

請徑自開銷

明旨以爲那移擅動從義誠有不得而辭者矣惟是  
以

公家之金錢而仍爲

公家之應用在收放之藩臣業已具冊承當存案



論之臺臣亦且據實昭雪從義革職回籍似已足蔽其罪矣今惟將元二兩年拖欠在民者仍令追併通完并三年以後俱令解部充餉則不期清楚而自覺清楚從義係三品大臣仰候聖裁或姑准其在籍閑住以明

浩蕩之恩然非臣等所敢擅議也

崇禎三年八月二十一日具

題本月二十六日奉

聖旨東省額軍自有額餉荒田銀兩豈得擅行開銷

撥奏王從義非取充橐籥司支給卷冊可查則此  
項便爲額餉何以今議盡數解部即此一勘情弊  
顯然事關錢糧不直究貪冒根因徒以勞逸不均  
急公未著浮語支飾如此庇徇兵餉何繇清釐該  
部院着再從公確議具奏李玄何與原叅類異併  
着回將話來欽此

覆良鄉知縣石鳳臺巖邑殘破寬卹疏

題爲巖邑殘破堪憐微臣冒疾赴任亟請增兵設  
備薄賦輕徭以固疆土以安黎庶事福建清吏  
司案呈案查崇禎三年三月初五日奉本部送  
戶科抄出良鄉縣知縣石鳳臺題前事內請蠲  
免良鄉縣錢糧二年緣繇該本部依議題

請再議行順天撫按備查順永所屬州縣層否有經  
虜患各分別議蠲等因崇禎三年三月初十日  
奉

聖旨依議其餘被虜地方酌量輕重分別蠲免着各該衙門速議具奏欽此隨于三月十三日咨行順天巡撫薊遼總督及咨都察院轉行順天巡按御史并劄順天府通行查議去後本年四月內該順天府府尹劉宗周題爲遵

旨回奏補給牛種分別地方輕重酌量蠲免錢糧仰懇

皇仁俯允以甦遺黎以固邦本事內將府屬二十七州縣中分別殘破重輕酌爲蠲免開列二等崇

禎三年四月初七日奉

聖旨被虜州縣急宜蠲恤這所奏還着該部行該撫  
按查議詳確覆行該衙門知道欽此欽遵隨于四  
月初十日咨行順天巡撫并咨都察院轉行順  
天巡按御史作速查議詳確

奏報等因案候未報至五月十四日復咨催一次  
定限于五月內回

奏又于六月初五日咨催一次至六月初八日該  
順天巡撫許如蘭題爲殘疆

國課無措災黎枵腹難堪仰冀

聖恩賜蠲賜賑以救饑民以固

國本事內稱永平盧龍遼安灤州是已破之殘城  
戶絕田荒糧無所出祈

皇上一槩蠲免俟二三年後耕作繁興仍舊任土作  
貢其城守兵丁餉糧無措請留運閔漕米二萬  
在于樂亭起卸分一萬以餉兵一萬以濟民等  
因奉

聖旨這所請蠲賑事宜還着該部酌議來奏欽此欽

遵抄出到部送司除發遼米賑永一節新餉司  
另覆外查得蠲免錢糧業已兩奉

明旨通查順永二府各屬州縣分別議蠲而順天巡  
撫所議止永平三州縣不便具題仍遵

前旨于六月十三日咨催通查回

奏一並具覆至七月初十日又咨催一次定限七  
月內回

奏仍未奏到至七月三十日續奉本部送順天府  
府尹劉宗周題爲地方殘破宜恤臣疏

下部日久懇乞

聖明特勅該部徑行回

奏以立起地方瘡痍事奉

聖旨近畿應恤州縣着該撫劉可訓遵前旨速查議  
奏戶部知道欽此欽遵隨即咨行順天巡撫作速  
議奏等因去後未報至八月初五日又復咨催  
一次至今又未

奏報竊思虜騎蹂躪是

畿轉之屯報蠲免錢糧係



皇恩之浩蕩今通查議蠲之疏屢催未到窮民何日沾

恩合無先將永平三州縣一面先題酌免仍催速查  
順永合屬議蠲等因案呈到部該臣等看得去  
冬逆奴犯順蹂躪內地土民遭鋒鏑之慘用園  
爲殺戮之場而盧龍等三州縣猶是逆奴盤踞  
之區也屬者

聖武布昭

皇威遐邇奴雖望風遠遁而民間之父母妻子尚然

生死未卜其故園遺址猶是榛莽可念委宜蠲  
免錢糧以蘇孑遺者也今撫臣遺將永平三州  
縣錢糧一槩蠲免俟二三年後仍舊任土作貢  
此誠安插殘黎之深念保養生聚之源本也相  
應依議題

請恭候

命下臣部移咨順天巡撫將永平盧龍遷安灤州錢  
糧蠲免二年自崇禎三年起至四年止就中有  
存留錢糧如官吏師生廩俸及各役工食等項

必不容已之費仍行酌議確妥具奏俟二年後  
或人民完聚農桑依舊始聽撫按查明議租至  
于順永合屬州縣尚多殘破此憫之民應否蠲  
恤尤宜蚤有成議以慰其望其不免者亦俟有  
司催征不得藉口影射推諉仰惟

皇上天語叮嚀務令作速查明分別

奏報庶足以暢

皇仁而甦遺黎矣

崇禎三年八月二十一日具

題本月二十四日奉

聖旨這罹患地方除盧龍遷灤已議蠲外其餘順永  
各屬俱在數百里內何難確查致稽題覆睠此遺  
黎豈堪緩視着該部勒限嚴催分別酌恤具奏欽  
此

題覆順天撫按查議被虜州縣蠲免疏

題爲嚴邑殘破堪憐微臣冒疾赴任亟

請增兵設備簿賦輕徭以固疆土以安黎庶事福建  
清吏司案呈崇禎三年九月二十一日奉本部  
送戶科抄出整飭薊州等處邊備兼巡撫順天  
等府地方都察院右僉都御史劉可訓奏前事  
該臣會同巡撫直隸監察御史甘學淵看得自  
奴虜入犯以來順永二府三十三州縣所在蹂  
躪震驚上煩

聖明軫念而凋殘枯槁之民幸戴雨露以更生惟是  
受患有輕重則當就中斟酌而

沛恩亦有淺深誠有如順天府府尹劉宗周所議三  
等之說者今查良鄉固安香河盧龍遷安灤州  
遵化七州縣或遭虜萬種之屠劫或經奴半年  
之盤踞其中禍獨慘其補救最難除良鄉盧龍  
遷灤四州縣之稅已經部覆奉

旨徵免二年無庸再議外其固安香河遵化三縣所  
當各蠲二年以彰

皇仁者也惟是俸廩工食之類有必不可少者遵化  
縣於難處之中賴順天府取諸庫貯已有善處  
之方固安良鄉香河統係順屬相應照例均助  
若盧龍遷灤虜之遞跡獨後民之受毒尤慘永  
庫若掃借潤無門尤不得不仰籲

聖恩別爲措給矣不然臣等有仰屋長嘆三州縣各  
束手無措耳涿州地當冲疲復惟虜勑先經該  
州陳乞已奉

旨允免一年其薊州豐潤玉田撫寧昌黎樂亭六州

縣大虜壓境焚劫肆行雖幸城守無恙而野無  
青草比之涿州更爲可念應遵

恩詔俱免一年其俸廩工食之類仍聽征收用資必  
不容已之需內玉田縣焚劫一空殺擄過半惟  
患不在遵化之下除三年分蠲免外其二年分  
未解錢糧更當累蠲以恤殘邑者也通州三河  
漷縣房山四州縣皆奴往來之地遠近村落半  
受慘勅應蠲五分霸州永清武清東安宛平大  
興六州縣或遭河冲或罹虜患比之通漷受毒



不甚相遠各應量蠲四分密坻縣虜雖逼犯地  
幸小康大城文安保定三縣虜雖未犯民實多  
逃各應量蠲三分若昌平平道屬昌平一州被虜  
亦分三等太平里爲甚應蠲五分撫讓里次之  
應蠲三分得辛里又次之業經借穀撫綏所當  
與懷柔順義二縣聞虜而原未經虜而不爲虜  
毒者仍應照舊征收第不無轉徙失業之苦則  
次第緩征即所以寬民力也至密雲平谷二縣  
震鄰剥膚幾致不免幸有賢邑令爲之保全獲

以安堵則効維正之供以報

朝廷者固子來之義未可妄異

一視之仁以徼

浩蕩者也既經各道查議前來相應合詞上

請伏乞

勅下該部再加覆酌具奏行令臣等遵奉施行等因

崇禎三年九月十九日奉

聖旨這查議順永府屬被患重輕蠲免分數并設處  
額用應徵應緩等項著該部即與酌覆欽此欽遵

抄出到部送司案查崇禎三年三月內該本部  
覆良鄉縣知縣石鳳臺題

請蠲免良鄉縣錢糧二年疏內再議行順天撫按備  
查順永所屬州縣曾否有經虜患各分別議蠲  
等因崇禎三年三月初十日奉

聖旨依議其餘被虜地方酌量輕重分別蠲免着各  
該衙門速議具奏欽此隨即咨行薊遼總督順天  
撫按并劄順天府通查去後本年四月內該順  
天府府尹劉宗周題爲遵

旨回奏補給牛種分別地方輕重酌量蠲免錢糧  
懇

皇仁俯允以甦遺黎以固邦本事內將府屬州縣分  
別殘破重輕酌爲蠲免開列三等崇禎三年四  
月初七日奉

聖旨被虜州縣急宜蠲恤這所奏還着該部行該撫  
按查議詳確覆行該衙門知道欽此隨復咨行順  
天撫按作速查議詳確

奏報等因案候未報至五月十四日咨催一次定

限于五月內回

奏又于六月初五日咨催一次至六月內該順天  
巡撫許如蘭題爲殘疆

國課無措災黎枵腹難堪仰冀

聖恩賜蠲賑以救饑民以固

國本事內議賑蠲永平盧龍遷安灤州三州縣錢  
糧等項緣繇崇禎三年六月初六日奉

聖旨這所請蠲賑事宜還着該部酌議來奏欽此欽  
遵抄出到部送司查蠲免錢糧業已兩奉

明旨通查順永三府合屬州縣分別議蠲而順天

撫所議止永平三州縣不便具題仍遵

前旨隨復咨催通查回

奏一並具覆至七月初十日又咨催一次定限七  
月內回

奏仍未奏到至七月三十日奉本部送順天府府  
尹劉宗周題爲地方殘破宜恤臣疏

下部日久懇乞

聖明特勅該部徑行回

奏以立起地方瘡痍崇禎三年七月二十六日  
奉

聖旨近畿應恤州縣着該撫劉可訓遵前旨速查議  
奏戶部知道欽此隨即咨行順天巡撫作速議奏  
等因去後未報至八月初五日又復咨催一次  
仍未

奏報該本司看得蠲免錢糧係

皇恩之浩蕩通查議蠲之疏屢催未到窮民何日沾  
恩隨即呈堂先將順天巡撫所議蠲永平三州

縣錢糧題免二年仍催順天巡撫速查順天  
屬應否蠲恤分別

奏報等因崇禎三年八月二十四日奉

聖旨這罹患地方除廬龍遷灤已議蠲外其餘順永  
各屬俱在數百里內何難確查致稽題覆瞻此遺  
黎豈堪緩視着該部勒限嚴催分別酌恤具奏欽  
此欽遵抄出到部送司隨即呈堂移咨順天巡  
撫定限于九月內回

奏等因各在案今順天巡撫會同巡按御史通查



題議前來相應酌議題覆案呈到部該臣等看得逆虜犯順凡順永二府之赤子或遭屠戮或散四方致父母妻孥之不保且室廬焚掠之殆盡哀此窮民深軫

聖慮所以惓惓蠲租欲登斯民于再造也今據撫按會奏分別殘破之輕重以爲蠲免之多寡除良鄉廬龍遷灤各免二年已奉

欽依外固安香河遵化三縣各議免二年涿州免一年薊州豐潤玉田撫寧昌黎樂亭各免一年內

王田縣再免二年分未解錢糧通州三河灤縣  
房山各免五分霸州永清武清東安宛平大興  
各免四分寶坻大城文安保定各免三分昌平  
州內太平里免五分撫謙里免三分得辛里與  
懷柔順義縣仍照舊徵收但應次第緩徵至密  
雲平谷應効維正之供此皆撫按公會商酌而  
輕重布之允宜依議蠲緩以昭

呈仁之浩蕩者也夫州縣之全免一年二年者無論  
矣其蠲免五分四分三分者舊例先免存留後

及京邊若不蚤爲酌議則京邊盡免而有留蓄  
徵則與全免無異矣今議將起運存留各照五  
分四分三分則例平分均免如其應免之分數  
而止然後柴枯盈縮不至於失均也至於固安  
良鄉香河俸廩工食議照遵化例取給順天府  
是矣但盧龍遷安灤州三處該撫亦議俸廩工  
食別爲指處夫臣部錢糧專供邊鎮軍馬之需  
尚且不繼舍此之外即該府亦難指處矣仍令  
撫按道府在本地方設法區畫即如近日逆產

及拋荒田土內取租動用亦無妨也尤有  
軍興殘破之後一切俸廩工食皆當從簡從約  
多所裁節想在官吏師儒自能諒之而不必因  
訕而舉羸執額而索償也又

畿輔諸邑俱有

上供錢糧如進

官子粒芝蔴棉花等項茲順永二府被虜七州縣據

奏殘破殊甚似應

特恩豁免一年以普

皇仁如天之仁其餘年分并一切州縣各照舊徵解  
不得備口逋欠者也統惟

聖明裁奪

命下臣部一體遵奉施行

崇禎三年九月二十七日具

題十月初二日奉

聖旨順永二府被虜州縣蹂躪傷殘深可憫惻其錢糧應蠲應緩及均免起運存留分數既經酌妥如  
議行遵化等七州縣特免上供一年以昭朝廷寬

恤德意仍着大刊榜示諭民通知敢有朦朧私  
的部科撫按不時查訪叅來重處俸廩權宜設  
務從簡約不得取盈重困仍着撫按官嚴諭有司  
悉心休養生聚如有貪酷害民的重處不宥欽此

覆屯田御史查叅真定府佐侵冒屯糧疏

題爲府佐侵漁有據乞

賜究處以重軍儲事福建清吏司案呈崇禎三年六月二十四日奉本部送戶科抄出巡按直隸等處監察御史李玄題前事內稱天啓七年十二月內奉都察院勘劄准戶部咨該本部題覆屯田御史陳朝輔題叅真定府通判鄭承收支真定衛屯糧侵銀三千九百餘兩查該衛屯糧因何致今府佐屯書共侵其管屯等官有無侵染

因何全不覺察並行查議明白一體

奏報題奉

欽依移咨備劄到前也臣備行并徑道遵行去後該  
臣接管屢次行催今據該道六備右叅政劉有  
源呈將鄭采等侵欺情繇到臣該臣會同保安  
巡撫解經傳巡按余文燭將鄭采等各分別發  
落以正

國法以完

國課乃臣于此不能無說焉夫屯田臣之專職也



各衛所屯糧皆臣綜覈歲一查叅管屯官賢不肖臣從而黜陟之凡有更置亦聽于臣部疏所稱從來

祖制近日

功令屯官司徵輸印經司稽察府佐司督催屯臣覈其完欠總行叅罰相臨相制法至詳且嚴真定衛屯糧不知何以竟不繇屯官徵輸印經稽察而專屬之二三屯書與府佐俾得猫鼠共侵至三四千金且其更制其發奸皆是後始行詳

報臣衙門職掌不幾廢乎抑臣聞利不在不  
法前此屯官徵輸未聞有侵漁若此之多者乃  
一但輕變

祖制遂至決裂若斯宜乎計部之以明職掌等語責  
之臣衙門也似當行令該道仍責屯官征輸府  
佐督催以復

祖制而嚴

功令者也等因崇禎三年六月二十一日奉

聖旨鄭采等俱依擬贓銀照數嚴追其徵收屯糧舊

制着該部查議具覆該衙門知道欽此欽遵抄出  
到部送司該本司呈堂咨保定廵撫及咨都察  
院轉行屯田御史一面將鄭采等贓銀照數嚴  
追一面將真定衛徵銀職掌作速議妥回報等  
因去後續奉本部送准都察院咨據屯田御史  
袁弘勲呈同前事內稱各衛屯糧專屬管屯指  
揮徵收其來舊矣良以衛弁地微權輕不辭瑣  
屑世與屯戶相習可以臨屯隨便收納不致假  
手屯頭屯書使有侵染是實便於民且印官經

歷從旁覺察管糧府官又不時督責而職役提比查叅之法又隨于其後即有不肖之心無繇自恣侵漁之弊不至濫觴是更便乎

國此

祖宗立法之深意今不暇遠引姑就真定一處言之該府境內有定州神武真定等三衛向來遵制均屬屯官徵收每年奉職衙門填給長單提比完欠分數照例查叅邇查未經改委之先大約全完者居多以十年之間總計所欠不過百分之

一二耳其定州神武之衛軍多地少額糧僅充  
軍餉無所餘羨故至今仍舊爲真定一衛地多  
軍少額糧餉軍之外餘羨甚多故各官視爲糧  
地易起覬覦天啓三年間該府創軍糧二廳輪  
管徵收之議徑不經職衙門提比查叅所以甫  
更一官卽有鄭采之事以至侵費多金三年始  
發此見前之明驗已覆轍可復蹈乎據該府初  
議謂衛弁侵冒多端故行改委然定州神武亦  
屯糧也獨不當改委乎推此而天下屯糧並當

改委則此三省直屯政歸之撫按可矣亦豈  
立職差之初意乎故職以爲仍歸衛弁乃復  
祖制便于

國更便于民乞轉咨戶部議覆等因到院煩爲查  
照等因回咨到部送司查得前後屯院既合詞  
無異相應依擬題覆案呈到部該臣等看得屯  
糧關軍馬之急需舊日屯官司徵收印經司稽  
察府佐司督催而又令屯田御史奉

勅提比查叅相臨相制法至詳且密也而真定衛屯

種先年原因屯弁之侵冒遂改軍糧二廳輪管  
以杜弊竇不意復有通判鄭采恣行乾沒侵費  
幾四千兩既非

舊制又復滋弊宜屯臣李玄之急於復

祖制而信

功令也臣部奉

旨移文查覈又據屯臣袁弘勲直剖弊根堅持職掌  
蓋天下屯田原皆隄自衛所而補偏救弊惟在  
尋其本原其見解甚確其持論有據似無容再

議矣既經該司查呈前來相應依議覆

請恭候

命下臣部咨行都察院轉行屯田御史將真定衛徵糧仍令屯官徵輸府佐督催如有侵欠聽屯田御史題叅庶責任專而軍需攸賴矣

崇禎三年十月初四日具題本月初八日奉

聖旨屯糧徵輸不論衛廳但稽核有法奸弊自清這所奏如議行以後屯差回道併據屯糧增損爲考成不得但以舉劾塞責該部院知道欽此



題覆勘撥德陵香火地土果園疏

題爲勘撥

德陵香火地土果園事福建清吏司案呈崇禎三年  
九月二十五日奉本部送據順天府呈稱奉戶  
部劄付勘撥

德陵香火地土果園等因到府隨即轉行昌涿房山  
等處勘撥屢催去後今據涿州申稱丈勘過旱  
地四十四頃共價三千六百六十八兩八錢五  
分水地六頃共價銀二千四百五十六兩三錢

六分四絲房山縣申稱地三十六頃七斗

六分共價銀二千九百二十四兩九錢六分五

釐昌平州申稱果園地七頃三十五畝五分六

果樹九千五百八十二顆每顆價銀一錢小果

樹一千五百五十三株每株八分連前果園地

共價銀二千三百一十五兩七錢九分以上

州房山昌平三處共該地畝果園等項價銀

萬一千三百六十五兩九錢六分五釐四絲

此查得

德陵香火地土交撥已逾三年皆因小民故土難離  
州縣因循延緩以致該監坐州催討子粒該  
府卷查崇禎二年六月內已經奉有着該監照  
例管業徵租

明旨隨即批行涿州將崇禎三年錢糧遵照部文開  
豁暫給該監抵充

先帝香火之資以盡臣誼外今據各州縣冊報地  
價值前來已經再四駁比較之

定陵價至一萬六千七百餘兩

亦不下二千四百有奇即此可見餉  
數無容再議似應准從題給及查地價例應  
支備邊充餉稅契事例等銀今查稅契改充  
餉事例上納杳然備邊充餉等銀非抵買遼  
則被虜議緩冗爲數無幾而

裕妃墳地并任李二戚等地價及九千餘兩尚無  
措處再以此項需之于府幾同望梅止渴矣今  
議將前項地價或候本部改創太倉徑自給  
而本府應解太倉銀兩隨到隨解則在該監

致有守候之苦而於本部亦不過爲朝三暮四  
之術毫無損於錙銖所爲一舉兩得者也本府  
仍念本部題覆之後該監必遽征子粒倘價未  
給而索其租其如民命何業將崇禎三年額糧  
照例開豁將應納常賦雖爲數不多責令該州  
縣解監亦可少供香火之用其子粒當以發價  
之日爲始庶

先帝香火不致缺典而民生有攸賴矣等因又奉本  
部送據順天府呈同前事內稱該本府看得

德陵香火已逾三年而各州縣冊報未齊尚未懸  
今該監稱係

上供膳勝時不可緩向州催取錢糧然地價未給難  
以徵收子粒而常賦不可不歸之本監以爲供  
奉

先帝香火之資據涿州申稱

德陵香火地畝五十頃內應解鈔糧二百四十七兩  
二錢五分一釐二毫六絲七忽備查涿州草場  
草銀二百六十二兩五錢合無于內動支二百

四十七兩二錢五分一釐二毫六絲七忽撥解  
該監以爲

德陵香火之用已經批行依擬合具縣呈報請將崇  
禎三年壓徵二年分前項涿州草場草銀乞爲  
除豁等因各到部送司案查崇禎元年二月內  
該

德陵神宮監掌印太監張彞憲題此

定慶二陵事例撥給香火果園地土等因該本部照  
例題

請創順天府轉行昌平涿州房山等州縣勘撥香火  
地七十六頃七十四畝六分果園地七頃三十  
五畝五分陵戶四十五名仍行薊州查照  
各陵事例勘撥榛場一處俱給

德陵神宮監管業完日仍將勘撥過緣畝及應給價  
銀應免錢糧各數目造冊報部等因題奉

欽依遵行在案今順天府將地價數目呈送前來似  
應依議題給至于價銀發自太倉一節應否准  
從呈乞裁奪具題案呈到部該臣等看得順天



府勘撥果園地土供

先帝萬年香火之用地既屬之

陵寢價應歸于業戶但向來舊例地價原取諸順天府事例備邊稅契等銀而該府稱無措處議欲改發太倉近日太倉罄懸邊需告匱何能措給合照先年舊例仍令該府于事例等銀照數給發蓋前項銀兩原應轉解臣部不過就彼那移非令該府別爲措處耳至于涿州所撥

德陵地畝其價未給自難徵粒該府議將涿州草場

草銀二百四十七兩二錢五分一釐二毫六絲  
七忽擬給該監暫供香火俟價完日徵租要亦  
權宜可從而不容靳者也既經具呈前來相應  
題

請恭候

命下臣部劄付順天府將收到所屬事例備邊稅契  
等銀不許別項支用務要湊足一萬一千三百  
六十五兩九錢六分五釐四絲給各地戶收領  
其地內原該夏稅秋糧備邊等銀發價之日即

行查明除豁造冊報部其三年香火子粒暫  
草銀抵補

崇禎三年十月十二日具

題本月十五日奉

聖旨德陵香火地價著該府照舊例措給不得再延  
其三年分子粒暫以涿州草銀抵補依議行欽此

題覆叛臣李致和等逆產疏

題爲審究以細事福建清吏司案呈崇禎三年十月十七日奉本部送戶科抄出總督薊遼太子少保兵部尚書張鳳翼題前事內稱先准戶部咨該本部題清查叛賊白養粹崔及第賈維翰馬思恭李致和等房屋田產等因備咨前撫臣許如蘭遵行所屬各道轉行府州縣備查外續准戶部咨查衛聖夫人奏討李致和地土莊房撥給是否妥便有無干擾等因備咨到臣除逆

犯馬思恭家屬并產業文冊已經咨送刑部  
將產禁見行遵化縣變價外其白養粹崔及第  
等家產屢行永平道嚴查未報賈維鏞逆產數  
目文冊已經遵化縣開報到臣屢催估價亦未  
報該臣會同巡撫順天都察院右僉都御史劉  
可訓巡按直隸監察御史甘學澗看得逆犯李  
致和逆產該臣等遵奉

明旨屢次駁查十月初二日據薊州道臣左應選冊  
報本犯住房內盤估銀錢首飾器皿紬布衣服

雜糧并孫觀圃之布疋各親識之借貸共銀七  
千八百六兩一錢三分八釐九毫三忽在城房  
屋大小一十三所并南關路西路北零房共計  
六百六十三間又灰草廈一十二坡估價銀六  
千五十兩城外房大小四所計八十二間估價  
銀三百四十兩谷家莊等莊五馬房草場并莊  
窠地共一百二十六頃三十七畝五分估價銀  
四千一百二十九兩二錢零三釐西城二營莊  
等莊十二團營草場并莊窠地共四十一頃三

十九畝五分估價銀二千八百二十三兩二錢  
戶莊等莊三衛屯牧

宮勲備荒并莊窠等地共四十頃三十八畝四分估  
價銀一千二百三十五兩四錢一分後子谷民  
地共一頃四十七畝七分估價銀二十二兩四  
錢七分朝陽庵等山場七處并草房十二間估  
價銀三百二十兩雜色騾驢六頭青棗驢馬三  
匹共估價銀三十五兩以上逆產家資等項通  
共估價銀二萬二千七百六十一兩二錢二分

一釐九毫二忽爲照李致和逆產原奉

明旨籍沒充餉又該衛聖夫人陸氏奏討先奉該部  
看了來說之

旨及戶部覆又奉地土莊田撥給是否妥便有無于  
撥還查議具奏之

旨臣等恭釋

明綸仰知我

皇上軫念軍興籌邊措餉至意卽乳侍衛護

聖躬錫予猶勤查議此應候部條覆上請



聖裁非臣等所敢擅議者此外惟儒學義田一  
十畝估價不過二十兩仍應給學爲士子作養  
之資黃家園并三崗子七園莊小房一百二十  
間樓房一座亭子一座空地七十七畝估價不  
過三百五十七兩五錢已該臣行令薊州勘明  
議改營房以免軍士露宿之苦伏候

命下該部一併議覆行令臣等遵奉等因奉

聖旨這逆產有無遺漏估價是否相當給學田改營  
房并陸氏奏討事宜戶部速行查議具奏未報的

仍與嚴催本內引律字多訛脫六十五十更屬大  
錯殊欠詳慎書役懲處改正行欽此又奉本部送  
順天巡撫都察院右僉都御史劉可訓順天巡  
按御史甘學濶各題同前事俱奉

聖旨已有旨了該部知道欽此欽遵各抄出到部送  
司案查崇禎三年五月內奉

御前發下紅本該吏科給事中祝世美題爲

聖武揚威普天同慶乘恢復之後亟修未雨之謀以

固

金甌事奉

聖旨這條奏關切時務叛逆田產地方官作何稽查  
該部并與覆行前疏仍候簡發欽此該本部覆議  
行總督撫按衙門查叛賊白養粹崔及第賈維  
鎬馬思恭李致和等房屋田產并各處逃亡地  
土分別沒落限半月奏

聞查有先經耕種者秋成補湊軍糧其荒蕪田園作  
速募傭播種等因崇禎三年五月二十六日奉  
聖旨依議逆產盡查入官係逃故的另行區處還須

清稽有法毋漏毋擾募種荒蕪興屯課租等事都  
着該督撫按熟計行仍勒限核冊具奏欽此隨即  
咨行薊遼總督順天巡撫并咨都察院轉行巡  
按御史遵行去後未報至七月內咨催一次限  
八月初旬回

奏未到至八月中仍未

奏報復呈堂題催勒限九月中旬具奏崇禎三年  
八月二十三日奉

聖旨這叛犯田產着該督撫按臣作速查覈依限回

奏并嚴飭經承官役須恪遵前旨清核有違  
勿擾該衙門知道欽此隨又遵照前限咨行去後  
今薊遼總督會同順天撫按題將李致和家  
估價造冊其白養粹崔及第等產屢行該道嚴  
查未報等因業奉有未報的仍與嚴催之

旨除一面移咨總督撫按遵

旨嚴催並查逆產有無遺漏估價是否相當俟查明  
回

奏到日具覆外其陸氏奏討事宜案查崇禎三年

七月內該衛聖夫人陸氏奏爲垂憐家貧難度  
衆口嗷嗷懇乞

天恩俯賜恒產以廣好生之仁事內奏討薊州逆犯  
李致和莊田緣繇奉

聖旨該部查明來說欽此隨即劄行薊州道備查將  
李致和房屋地土并應納各處錢糧一一臚列  
上呈

聖覽崇禎三年九月十六日奉

聖旨這奏內地土莊房撥給是否妥便有無干擾還

查議明確具奏欽此隨復遵行順天撫按查議  
後令總督撫按分別查議回

奏前來相應酌議具覆再查崇禎二年三月內該  
衛聖夫人陸氏奏討護墳地土莊房緣繇該本  
部覆奉

聖旨准照原奏查有近時汝官墳塋并相連莊房護  
墳地土給與一十頃該衙門知道欽此隨即咨行  
都察院轉行順天巡按查勘去後未報至三年  
四月內准衛聖夫人揭討八里莊莊房該本部

題奉

聖旨這應給田土着部院再行詳查其八里莊田果  
否已改柴廠并着該衙門查明來說欽此續該惜  
薪司太監王永祚奏爲遵

旨查明柴廠據實回

奏仰祈

聖鑒以重公廨事奉

聖旨道八里莊既改公廨着另查應給田土撥與該  
部知道欽此隨又咨行另查一次未報至本年八



月內奉本部送准衛聖夫人揭稱氏于去歲  
疏請乞籍沒瓦房一所奉

旨下部至今年餘查無地土近查中城地方送犯白  
養粹遺房一所門面九間坐落小時坊四舖伏  
乞准給等因到部隨咨都察院轉行中城御史  
查勘續准都察院咨據巡視中城山西道試  
察御史王肇對呈稱白養粹遺房大小共計  
十四間家伙書籍等項當經具題隨蒙

聖旨這房屋并書籍等物既經查明仍着看守候旨

行該衙門知道欽此隨即交付本職收貯相應咨  
覆等因到部案候順天巡按查撥護墳地土回  
文到日并覆今李致和產業文冊已到合無一  
并具覆案呈到部該臣等看得客歲衛聖夫人  
陸氏奏討莊房及護墳地土已經臣部覆奉  
俞旨給地一十頃但因向無沒官莊房致

聖恩久稽今據冊報李致和田產共二百九頃六斗  
餘畝合無即于此內撥給地一十頃以爲護墳  
之用至于莊房一節據陸氏揭討中城白養將

遺房八十四間業奉有

明旨著看守候

旨行似非臣部所敢議給而前請討莊房又久無着  
落臣部不敢多延今或將此房給與職再行巡  
按御史另查莊房給與應聽

明旨定奪至李致和其餘莊房地土先經臣部議定  
軍餉續該衛聖夫人奏討養贍奉

旨查議今督撫按臣議將義田一項二十畝仍歸儒  
學此誠崇重學校之意所當允從者也黃家

等地七十七畝房一百二十間樓房一座亭子  
一座議改營房此亦優恤軍士之典無容再議  
者也此又餘地一百九十九頃六十三畝一分  
房七百四十五間灰草厦一十三坡山場七處  
草房十二間應否於護墳十頃之外再量撥若  
千頃給與衛聖夫人臣部既無例可查斟酌多  
寡取自

聖裁誠不敢以臆爲懸斷者也惟是科臣祝世美原  
題欲將逆產改作屯田以充濟邊乃督撫疏中

固茫乎未之及也臣部原覆自逆產外有逃亡  
無主者亦行并查有先經播種者補湊軍糧其  
田園荒蕪者速行耕耨而今亦槩乎未之及也  
此須從長計議不可坐失機會至必不得已而  
後可議變價耳舊例入官田產人多視爲奇貨  
可居賤價收買頃刻立盡今奉

聖旨逆產有無遺漏估價是否相當似已洞見淵微  
矣且騾馬九頭匹共止估價三十五兩則其價  
濫可知仍當覆議增加又非但白糞糞等逆產

之未報到已也合候

命下再一責成督撫按臣覆估確議庶軍餉有裨而  
冒破可免矣

崇禎三年十月二十九日具

題十一月初二日奉

聖旨陸氏奏討地土准於李致和地內撥十頃併自  
養元房給與逆產既已入官估價太廉將欲利歸  
何人延捱不報又將何待著速催撫按官奏結改  
屯作何徵收爾部議妥來說欽此